



**«ԻՐԱՎԱԲԱՆՆԵՐԻ ՀԱՅԿԱԿԱՆ ԱՍՈՑԻԱՑԻԱ» ՀԿ
«ԼԻԳԼ ՈԼԱՅԸՆՍ» ԻՐԱՎԱԲԱՆԱԿԱՆ ԸՆԿԵՐՈՒԹՅՈՒՆ
«ՀԱՅԱՍՏԱՆԻ ԵՐԻՏԱՍԱՐԴ ԻՐԱՎԱԲԱՆՆԵՐԻ ԱՍՈՑԻԱՑԻԱ» ՀԿ**

ՊԱՇՏՈՆԱԿԱՆ ԿԱՆՈՆՆԵՐ

**«Հայաստանի դատաիրավական բարեփոխումները. հիմնական
առաջնահերթությունները և մարտահրավերները» թեմայով
հանրապետական գիտաժողովի**

Երևան 2020թ.

Պաշտոնական կանոն 0.0 Սահմանումներ

Սույն կանոններում օգտագործվող հասկացությունները օգտագործվում են հետևյալ իմաստով.

"**Կազմակերպիչ**" սույն կանոնների իմաստով նշանակում է գիտաժողովի ցանկացած փուլի կազմակերպիչ:

"**Գիտաժողովի փուլ**" գրավոր և բանավոր փուլերի դեպքում օգտագործվում է համապատասխան փուլ իմաստով:

"**Գիտաժողով**" օգտագործվում է 2020թ. փետրվար-մարտ ամիսներին կազմակերպվելիք *«Հայաստանի դատախրավական բարեփոխումները. հիմնական առաջնահերթությունները և մարտահրավերները» թեմայով հանրապետական գիտաժողովի իմաստով:*

"**Զեկույց**" օգտագործվում է յուրաքանչյուր մասնակցի կողմից սույն կանոնների դրույթների համաձայն գրված և գիտաժողովի կազմակերպչին ներկայացրած գրավոր զեկույց իմաստով:

"**Բանավոր փուլ**" նշանակում է մասնակցի զեկույցի բանավոր ներկայացման փուլ:

"**Տույժեր**" կիրառվում է որևէ կանոնի խախտման համար նախնական միավորի իջեցմամբ:

"**Կանոններ**" օգտագործվում է զեկույցի սույն պաշտոնական կանոններ, ինչպես նաև ցանկացած այլ կանոնների հավելված իմաստով:

"**Մասնակից**" օգտագործվում է կազմակերպչին սահմանված ժամկետում գիտաժողովին մասնակցելու հայտ ներկայացրած ուսանող իմաստով:

"**Զեկույցի թիվ (համար)**" օգտագործվում է գիտաժողովի ժամանակ յուրաքանչյուր զեկույցի համար հատուկ թվային տարբերակում իմաստով:

"**Փուլ**" օգտագործվում է գիտաժողովի տարբեր մակարդակներ իմաստով:

ՊԱՇՏՈՆԱԿԱՆ ԿԱՆՈՆ 1.0 Գիտաժողովի կազմակերպումը

1.1 Կազմակերպիչ

«Հայաստանի երիտասարդ իրավաբանների ասոցիացիա» ՀԿ,
«ԼԻԳԼ ԸԼԱՅԸՆՍ» իրավաբանական ընկերություն
«Իրավաբանների հայկական ասոցիացիա» ՀԿ, ք. Երևան 0010, Նալբանդյան 7, գրասենյակ 2,
հեռ. 010 54 01 99, էլ.փոստ՝ info@armla.am:

1.2 Գիտաժողովի ընթացակարգը

Գիտաժողովը բաղկացած է երկու փուլերից.

- 1) գրավոր փուլ,
- 2) բանավոր փուլ:

1.3 Գիտաժողովի անցկացումը

Յուրաքանչյուր փուլ անցկացվում է կազմակերպչի կողմից սահմանված վայրում և պետք է իրականացվի սույն կանոնների համաձայն:

ՊԱՇՏՈՆԱԿԱՆ ԿԱՆՈՆ 2.0 Գիտաժողովի մասնակցության իրավունքը և կարգը

2.1 Գիտաժողովին մասնակցելու իրավունք ունեցող անձինք

Հայաստանի Հանրապետության ԲՈԻՀ-երի իրավաբանական ֆակուլտետների 3-րդ և բարձր կուրսերի, մագիստրատուրայի, ասպիրանտուրայի ուսանողներ, և մինչև 30 տարեկան իրավաբաններ:

ՊԱՇՏՈՆԱԿԱՆ ԿԱՆՈՆ 3.0 Մասնակիցների գրանցումը և մասնակիցների զեկույցները

3.1 Մասնակիցների գրանցման ձևը և գրանցումը

Գիտաժողովին մասնակցել ցանկացողները մինչև 2020թ.-ի փետրվարի 10-ը ներառյալ պետք է էլեկտրոնային եղանակով գրանցվեն **այստեղ**:

3.2 Չեկույցների ընդունման կարգը և ժամկետները

- 1) Գիտաժողովին մասնակցելու համար գրանցված յուրաքանչյուր անձ պետք է մինչև 2020թ. փետրվարի 25-ը ներառյալ info@armla.am էլ. հասցեին ուղարկի հայտարարության մեջ նշված ուղղություններից որևէ մեկով պահանջվող զեկույցը:
- 2) Չեկույցի փաթեթը ընդունվում է կազմակերպչի կողմից և յուրաքանչյուր զեկույց ստանում է անհատական համար:
- 3) Չեկույցի անհատական համարը տրվում է զեկույցը կազմակերպչին հանձնելու համար սահմանված ժամկետը լրանալու հաջորդ օրը: Չեկույցները ստուգող խմբի և տեխնիկական ստուգում իրականացնող անձնակազմի կողմից ստուգվում և գնահատվում են մինչև 2020թ. մարտի 2-ը ներառյալ:

3.3 Չեկույցի ինքնությունը հաստատող համարը

Գիտաժողովի յուրաքանչյուր մասնակցի զեկույց կունենա կոորդինատորի կողմից տրված համար (թիվ): Մասնակիցները պետք է այդ համարները օգտագործեն միայն ինքնուրույն հաստատման նպատակով: Համարի գաղտնիության ապահովման պարտականությունը դրվում է կազմակերպչի վրա:

3.4 Ձեկույցների ֆորմատը.

Բոլոր զեկույցները պետք է համապատասխանեն հետևյալ ֆորմատին.

- 1) 10-15 համակարգչային էջ,
- 2) A4 ֆորմատի (21x29,7 սմ) թղթի վրա,
- 3) տեքստի տառատեսակը և չափսը՝ Sylfaen 12,
- 4) զեկույցի տեքստի բոլոր մասերը, ինչպես նաև տողատակի ծանոթագրություններն ու խորագրերը, պետք է լինեն միաբացվածք (single-spaced),
- 5) լուսանցքների պահպանումը բոլոր կողմերից պետք է ունենա 2.5 սմ՝ չհաշված էջահամարները:

3.5 Ձեկույցի նկարագիրը.

Ձեկույցը պետք է բաղկացած լինի հետևյալ մասերից.

- 1) Բովանդակություն,
- 2) Ներածություն,
- 3) Նկարագրական մաս,
- 4) Եզրափակիչ մաս,
- 5) Օգտագործված գրականության ցանկ:

ՊԱՇՏՈՆԱԿԱՆ ԿԱՆՈՆ 4.0 Դատավորները

4.1 Գիտաժողովի գրավոր և բանավոր փուլերի դատավորները և նրանց ընտրման կարգը.

Գիտաժողովի գրավոր փուլը գնահատում է համապատասխան մասնագետներից կազմված ստուգող խումբը, որի անհատական կազմը և թվաքանակը որոշվում է կազմակերպչի կողմից:

4.2 Կազմակերպչի տեղեկացումը մասնակիցների և դատավորների անհամապատասխանության վերաբերյալ.

Գիտաժողովի բանավոր փուլի ընթացքում մասնակիցները կազմակերպչին անհրաժեշտության դեպքում տեղեկացնեն այն դատավորների կամ հավանական դատավորների անունները, որոնց հարաբերությունները մասնակցի կամ տվյալ ԲՈՒՀ-ի հետ այնպիսին է, որ կասկած է առաջացնում այդ դատավորի անկողմնակալության վերաբերյալ՝ տվյալ մասնակցի բանավոր զեկույցը գնահատելիս: Նման դեպքերում կազմակերպիչը պետք է քննարկի դատավոր(ներ)ին վերաբերող հարցը և այդ հարցի կապակցությամբ կայացնի վերջնական որոշում:

ՊԱՇՏՈՆԱԿԱՆ ԿԱՆՈՆ 5.0 Գիտաժողովի փուլերը

5.1 Գրավոր փուլ

Գիտաժողովի գրավոր փուլում առավելագույն միավորներ հավաքած մինչև 5 լավագույն մասնակիցները կանցնեն գիտաժողովի հաջորդ՝ բանավոր փուլ: Գրավոր փուլում դատավորների կողմից մասնակիցներին նշանակած միավորները կազմակերպչի կողմից կարող

են նվազեցվել՝ ըստ սահմանված տույժերի: Գիտաժողովի գրավոր փուլի ստուգումը և գրավոր փուլի արդյունքների ամփոփումը կատարվում է **2020թ. փետրվարի 25-ից մինչև մարտի 2-ը** ընկած ժամանակահատվածում:

5.2 Բանավոր փուլ

Գիտաժողովի բանավոր փուլում յուրաքանչյուր մասնակցի զեկույցի ընդհանուր միավորները որոշվում են՝ զեկույցները գնահատող դատավորների ժյուրիի յուրաքանչյուր անդամի կողմից նշանակած միավորների ընդհանուր գումարով: Գիտաժողովի բանավոր փուլն անցկացվելու է **2020թ. մարտի 4-ին**: Վայրի մասին տեղեկությունները կտրամադրվեն լրացուցիչ:

Գիտաժողովի մրցանակաբաշխությունը տեղի կունենա գիտաժողովի բանավոր փուլի ավարտից անմիջապես հետո:

Գիտաժողովի գրավոր և բանավոր փուլի բոլոր մասնակիցները կպարգևատրվեն համապատասխան հավաստագրերով, իսկ առաջինից երրորդ հորիզոնականներ զբաղեցրած երեք մասնակիցները կխրախուսվեն նվերներով և հնարավորություն կունենան եռամսյա փորձաշրջան անցնելու «Իրավաբանների հայկական ասոցիացիա» ՀԿ-ում և պետական իրավասու մարմիններից որևէ մեկում: Գիտաժողովի ընթացքում նախատեսված են նաև այլ խրախուսական մրցանակներ:

ՊԱՇՏՈՆԱԿԱՆ ԿԱՆՈՆ 6.0 Տույժեր

6.1 Զեկույցներին առնչվող տույժեր

Սույն աղյուսակի համաձայն զեկույցներին առնչվող կանոնների խախտումների համար կիրառվում են տույժեր.

| Կանոնի համարը | նկարագիրը | Կիրառվող տույժը |
|----------------------|--|---|
| 6.1.1 | Զեկույցում ինքնության կամ ԲՈՒՀ-ի անվան վերաբերյալ որևէ նշում | 7 միավոր (մեկ անգամ) |
| 6.1.2 | Միայլ տառատեսակի կամ տառերի սխալ չափսի օգտագործում, տվյալ տառատեսակի սխալ չափսի օգտագործում, տողերի միջև սխալ տարածություն կամ մեջբերումների սխալ ձև | 1 միավոր յուրաքանչյուր խախտման համար, ընդհանուրը՝ մինչև 5 միավոր |
| 6.1.3. | Էջերի սահմանափակում | 15 էջը գերազանցող յուրաքանչյուր էջի համար 1 միավոր, առվելագույնը 4 միավոր |
| 6.1.4. | Անհամապատասխան լուսանցքներ | յուրաքանչյուր էջի համար 0,5 միավոր, առավելագույնը 2 միավոր |